



Innkalling

Utval:	Administrasjonsutval
Møtestad:	Møterommet
Dato:	22.05.2025
Tid:	Kl. 09:00

Representantar med lovleg forfall eller som er ugilde i nokon av sakene, må snarast råd melde frå på telefon 57 78 62 00 eller e-post post@solund.kommune.no slik at vararepresentantar kan kallast inn.

Vararepresentantar til administrasjonsutvalet møter etter nærare innkalling.

Saksdokumenta ligg til ettersyn i ekspedisjonen på kommunehuset

Sakliste

Sak nr.	Sakstittel	
001/25	Godkjenning av møteprotokoll	
002/25	Gjennomgang av større investeringsprosjekt	

Solund kommune

15.05.2025

Gunn Åmdal Mongstad
-ordfører-



Saksframlegg

Arkiv: K1-033
ArkivsakID: 25/412
JournalpostID: 25/1660
Sakshandsamar: ACOS Møtebruker (må ikke deaktiveres/slettes)
Dato: 15.05.2025

Saksnr. utval	Utval	Møtedato
001/25	Administrasjonsutval	22.05.2025

Godkjenning av møteprotokoll

Vedlegg i saka:

29.11.2024 Møteprotokoll - Administrasjonsutval - 28.11.2024



Møteprotokoll

Utval: Administrasjonsutval
Møtestad: Møterommet
Dato: 28.11.2024
Tid: Kl. 09:00 - 11:30
Saksnr.: 005/24 – 006/24

Faste representantar som møtte:	Parti
Marit Utvær	Fagforbundet
Øystein Olai Espeland	H
Gunn Åmdal Mongstad	SP
Sara Tunestveit	SP

Forfall faste representantar:	Parti	Fylgjande vararep. møtte:	Parti
Hege Trovåg	Fagforbundet		
Andreas Færøy Gåsvær	AP	Øyvind Losnegard	SP
John Sigfred Hugøy	SP	Anne Marie Gåsvær	SP

Møteleiar:

Møteinnkalling:	Innkalling datert 21. november 2024
Kunngjering:	Heimeside
Frå administrasjonen møtte:	Kommunedirektør Jens-Eivind Kobbeltvedt. Stabsleiar Amund Fuglebakk Aglen. Leiar for Oppvekst og kultur Øystein Bolset Strand.
Permisjon frå møte:	
Godkjenning innkalling:	Det var ingen merknad til innkalling.
Godkjenning sakliste:	Det var ingen merknad og saklista vart samrøystes vedteke.
2 rep. underskrift møtebok:	Representantane Øystein Olai Espeland og Marit Utvær vart samrøystes valde.
Utlevert i møtet:	
Sp.mål/interpell.:	
Orientering:	
Synfaring:	
Diverse:	

Sakliste

Sak nr.	Sakstittel
005/24	Godkjenning av møteprotokoll
006/24	Budsjett 2025 og økonomiplan 2025 - 2028

Underskrifter:

005/24: Godkjenning av møteprotokoll

Solund Administrasjonsutval sin møtebok frå 6. juni 2024 vert godkjent.

Handsaming i Administrasjonsutval 28.11.2024:

Votering:

Kommunedirektøren sitt framlegg til vedtak vart samrøystes vedteke.

A- 005/24 VEDTAK:

Solund Administrasjonsutval sin møtebok frå 6. juni 2024 vert godkjent.

006/24: Budsjett 2025 og økonomiplan 2025 - 2028

Kommunedirektøren sitt framlegg til vedtak:

1. Solund kommunestyre vedtek fylgjande finansielle måltal for økonomiplanperioden:

	2025	2026	2027	2028
Netto driftsresultat	-13,7 %	14,3 %	- 4,6 %	17,0 %
Netto lånegjeld	171 %	157 %	156 %	141 %
Disposisjonsfond per 31.12	10 %	20 %	12 %	33 %
Havbruksinntekter i drift, utover produksjonsavgift og distriktstilskot	- 7 514 '	- 3 320'	- 1 774'	- 412'

2. Solund kommunestyre vedtek driftsbudsjettet i samsvar med skjema "§ 5-4 Løyvingsoversikt drift" og kapittel 7 i budsjett 2025 og økonomiplan 2025 - 2028 som viser løyvingar drift på 102.798.000,- for 2025.

3. Solund kommunestyre vedtek investeringsbudsjett i samsvar med skjema "§ 5-5 Løyvingsoversikt - investering" og kapittel 8 i budsjett 2025 og økonomiplan 2025 - 2028, som viser løyvingar investering på 12.287.079,- for 2025.

4. Solund kommunestyre vedtek at ramma for opptak av lån til egne investeringar vert sett til 1.000.000,- i 2025. Ramme for lån til vidareutlån vert sett til 500.000,- i 2025.

5. Kommunedirektøren får fullmakt til å ta opp og refinansiere lån, godta rentevilkår og andre vilkår for lån og underteikne lånedokument.

6. Kommunedirektøren får fullmakt til å rydde i ubundne investeringsfond og disposisjonsfond i tråd med tabellane i kapittel 5.

7. Kommunedirektøren får fullmakt til å flytte løyving på inntil 1.500.000,- frå drift til investering viss innkjøp planlagt i drifta oppfyller krava til å bli ført i investering.

8. Utskriving av eigedomsskatt for år 2025:

- a. I medhald av eigedomsskattelova (eskl) § 2, jf § 3, 1.ledd bokstav g vert det skrive ut eigedomsskatt på "faste eigedommar i heile kommunen, unnateke næringseigedom, kraftanlegg, vindkraftverk, kraftnett og anlegg omfatta av særskattereglane for petroleum."
- b. Det vert ikkje gjort avgrensingar av eigedomsskatteområde, utover det som er nemnt i det utskrivingsalternativet som vert vedteke.
- c. Skattesatsen vert fastsett til 2,0 promille, etter eskl. § 13.
- d. Det vert ikkje gjort differensiering av skattesatsane, utover det som er fastsett i eigedomsskattenemnda sitt vedteke takseringsreglement.
- e. Det vert ikkje vedteke botnfrådrag i samband med årets utskrivingsvedtak.
- f. Solund kommune sitt takseringsreglement skal vera gjeldande rettesnor for utskrivinga av skatten.
- g. Det vert fastsett 2 terminar for betaling av eigedomsskatten etter eskl. § 25.
- h. Det vert gjennomført kontorjustering av aktuelle takstar etter eskl. § 8 A-4 med 10 % av det opphavlege skattegrunnlaget.

9. Kommunedirektøren utarbeider detaljbudsjett og løyvingsoversikt § 5-6 med bakgrunn i vedteke budsjett.

10. Solund kommunestyre vedtek økonomiplanen 2025 - 2028.

Handsaming i Administrasjonsutval 28.11.2024:

Felles framlegg til nytt punkt 11:

11. Administrasjonsutvalet merker seg at kommunen har ei utfordring med å rekruttere kompetanse til fleire sektorar. I dette arbeidet oppmodar ein om at ein vurderer og prøver ut nye arbeidstidsordningar i samarbeid med dei tilsette.

Votering:

Det vart røysta samla over kommunedirektøren sitt framlegg til vedtak og felles framlegg til vedtak.

Kommunedirektøren sitt framlegg til vedtak og felles framlegg til vedtak vart samrøystes vedteke.

A- 006/24 VEDTAK:

1. Solund kommunestyre vedtek fylgjande finansielle måltal for økonomiplanperioden:

	2025	2026	2027	2028
Netto driftsresultat	-13,7 %	14,3 %	- 4,6 %	17,0 %
Netto lånegjeld	171 %	157 %	156 %	141 %
Disposisjonsfond per 31.12	10 %	20 %	12 %	33 %
Havbruksinntekter i drift, utover produksjonsavgift og distriktstilskot	- 7 514 '	- 3 320'	- 1 774'	- 412'

2. Solund kommunestyre vedtek driftsbudsjettet i samsvar med skjema "§ 5-4 Løyvingsoversikt drift" og kapittel 7 i budsjett 2025 og økonomiplan 2025 - 2028 som viser løyvingar drift på 102.798.000,- for 2025.

3. Solund kommunestyre vedtek investeringsbudsjett i samsvar med skjema "§ 5-5 Løyvingsoversikt - investering" og kapittel 8 i budsjett 2025 og økonomiplan 2025 - 2028, som viser løyvingar investering på 12.287.079,- for 2025.

4. Solund kommunestyre vedtek at ramma for opptak av lån til eigne investeringar vert sett til 1.000.000,- i 2025. Ramme for lån til vidareutlån vert sett til 500.000,- i 2025.

5. Kommunedirektøren får fullmakt til å ta opp og refinansiere lån, godta rentevilkår og andre vilkår for lån og underteikne lånedokument.

6. Kommunedirektøren får fullmakt til å rydde i ubundne investeringsfond og disposisjonsfond i tråd med tabellane i kapittel 5.

7. Kommunedirektøren får fullmakt til å flytte løyving på inntil 1.500.000,- frå drift til investering viss innkjøp planlagt i drifta oppfyller krava til å bli ført i investering.

8. Utskriving av eigedomsskatt for år 2025:

a. I medhald av eigedomsskattelova (eskl) § 2, jf § 3, 1.ledd bokstav g vert det skrive ut eigedomsskatt på "faste eigedommar i heile kommunen, unnateke næringseigedom, kraftanlegg, vindkraftverk, kraftnett og anlegg omfatta av særskattereglane for petroleum."

b. Det vert ikkje gjort avgrensingar av eigedomsskatteområde, utover det som er nemnt i det

utskrivingsalternativet som vert vedteke.

c. Skattesatsen vert fastsett til 2,0 promille, etter eskl. § 13.

d. Det vert ikkje gjort differensiering av skattesatsane, utover det som er fastsett i eigedomsskattenemnda sitt vedteke takseringsreglement.

e. Det vert ikkje vedteke botnfrådrag i samband med årets utskrivingsvedtak.

f. Solund kommune sitt takseringsreglement skal vera gjeldande rettesnor for utskrivinga av skatten.

g. Det vert fastsett 2 terminar for betaling av eigedomsskatten etter eskl. § 25.

h. Det vert gjennomført kontorjustering av aktuelle takstar etter eskl. § 8 A-4 med 10 % av det opphavlege skattegrunnlaget.

9. Kommunedirektøren utarbeider detaljbudsjett og løyvingsoversikt § 5-6 med bakgrunn i vedteke budsjett.

10. Solund kommunestyre vedtek økonomiplanen 2025 - 2028.

11. Administrasjonsutvalet merker seg at kommunen har ei utfordring med å rekruttere kompetanse til fleire sektorar. I dette arbeidet oppmodar ein om at ein vurderer og prøver ut nye arbeidstidsordningar i samarbeid med dei tilsette.



Saksframlegg

Arkiv: K1-145
ArkivsakID: 24/410
JournalpostID: 25/1614
Sakshandsamar: Amund Fuglebakk
Aglen
Dato: 14.05.2025

Saksnr. utval	Utval	Møtedato
002/25	Administrasjonsutval	22.05.2025
026/25	Formannskap	22.05.2025

Gjennomgang av større investeringsprosjekt

Kommunedirektøren sitt framlegg til vedtak:

Kommunedirektøren legg til grunn fylgjande for det vidare arbeidet med rullering av budsjett- og økonomiplanen:

- lånefinansiering av dei 15.000.000,- til ny skule m/ bibiloteke og dei 8.400.000,- til felles fiskerihamn
- Solundheimen får tilført 2.300.000,- og gjennomførast i 2025
- Klubben får tilført 1.800.000,- og gjennomførast i 2026
- Søre Morteveika går som vedteke i 2025
- Hardbakke 20 går i 2025
- Ein gjer ingen endringar knytt til ekspressbåtstopp eller nytt kommunehus
- Ein betalar vesentleg mindre ned på låna i starten av økonomiplanperioden

Aktuelle lover, forskrifter, avtalar m.m.:

Budsjett 2025 og økonomiplan 2025 - 2028 (K-sak 073/24)

Kva saka gjeld:

Gjennomgang av alle aktuelle større investeringsprosjekt

Saksutgreiing:

I Budsjett 2025 og økonomiplan 2025 - 2028 (K-sak 073/24) bad kommunestyret om ein gjennomgang og prioritering av større aktuelle investeringsprosjekt i samband med rulleringa

av økonomiplanen i juni 2025. Kommunedirektøren legg difor fram ein sak til formannskapsmøtet 22. mai 2025 der ein går gjennom alle større investeringsprosjekt. Sjølv prioriteringa vert gjort i samband med rullering av økonomiplanen i kommunestyremøtet 12. juni 2025.

Etter bestillinga i desember 2024 har det skjedd fleire store vedtak om investeringar i formannskap- og kommunestyremøta. Det er også avdekka at løyvinga til ny skule med bibliotek for 2025 på 15.000.000,- har falt ut av budsjett 2025 med eit uhell, og dermed ikkje var ein del av totalbilete når budsjettet vart vedteke i desember 2024. Denne løyvinga må innarbeidast igjen, men kommunedirektøren ynskjer å understreke at justeringane ikkje skuldast overforbruk men ein sakshandsamingsfeil i samband med budsjettsaka.

På inntektssida har det også kome ein del uvisse etter at budsjett- og økonomiplanen vart vedteke. Det er i økonomiplanen budsjettert med inntekter frå Havbruksfondet på til saman 110 millionar i økonomiplanperioden. 78 av desse frå auksjonane av nye oppdrettsløyver. Regjeringa har lagt fram ein Stortingsmelding om havbruk (Meld. St. 24) der dei i utgangspunktet går vekk frå dagens auksjonsordning der ein sel maksimal tillete biomasse og over på ein ordning der ein sel løyve til å drive akvakultur. Konsekvensane for kommunane er kort omtalt som fylgjer: "Inntektene fra produksjonsavgiften og vederlag for nye tillatelser skal fordeles gjennom Havbruksfondet. Endringene som foreslås fordrer endringer i fordelingsnøkkelen i Havbruksfondet. Dette må utredes nærmere."

Havbruksmeldinga er ikkje vedteke, og vert handsama av Stortinget 12. juni 2025. Meldinga i seg sjølv seier ingenting om Havbruksfondet og dei økonomiske konsekvensane for kommunane. Men det er vanskeleg å sjå for seg at ein ny ordning vert like god for Solund kommune som dagens ordning er. Erfaring frå 2022 viser også at uvisse i auksjonsåra kan påvirke inntektene som kjem gjennom auksjonane. Samstundes har Solund kommune heile tida lagt til grunn at auksjonane ikkje kan vekse inn i evigheita, og ein eventuelt ny ordning kan være med å sikre Solund kommune sine inntekter på lenger sikt. Budsjett- og økonomiplanen må handtere uvissa på ein forsvarleg måte.

Per 31. desember 2024 hadde Solund kommune 46 millionar på disposisjonsfond, men med budsjettert bruk på 18,3 millionar i 2025 og omlag 24 millionar knytt til unytta investeringsløyvingar frå tidlegare år. Overføringa av unytta løyvingar frå 2024 kjem som eige sak til kommunestyremøte 16. juni, saman med årsrekneskapen for 2024. Kommunedirektøren anslår at ein i overføringa av unytta løyvinger kan kome ned i omlag 22 millionar, men det vil uansett ikkje være rom til å fondsfinansiere alt som har kome til i 2025. Disposisjonsfondet ville då vært omlag 17 millionar i minus. Det ligg også inne 10 millionar i ekstraordinær nedbetaling av lån. Så med å nedjustere dei ekstraordinære låneavdraga, samt noko lånefinansiering, vil ein kunne kome i land.

Samstunde har Solund kommune ein høg lånegrad, og mange av grepa som vart vedtek i desember 2024 handla nettopp om å redusere lånegraden. Disposisjonsfondet nyttar kommunestyret fritt til drift eller investering, men det er berre lov å lånefinansiere investeringskostnadar, og berrre dei åra ein faktisk gjennomfører investeringane. Å auke låneopptaket i 2025 når investeringsnivået uansett er høgt grunna ny skule m/ bibliotek frigjer kapasitet på disposisjonsfondet til dei økonomiske konsekvensane av Havbruksmeldinga er klare, uavhengig av om ein då treng midlane i drift eller investering. Ein står då også fritt til å betale ned lånegjeld om det er rom for det.

Samla sett gjer dette at kommunedirektøren tilrår at gjennomgangen og prioriteringa av større investeringsprosjekt har som mål å:

- redusere samla investeringsnivå
- skyve på ein del prosjekt til ein kjenner dei økonomiske konsekvensane av Havbruksmeldinga.

I den vidare gjennomgangen vert grensa for store prosjekt satt til 1.300.000,-. då desse krevje oppstartsvedtak etter økonomi- og finansreglementet til Solund kommune, og ofte også vil krevje anbod. Tidvis er fleire løyvinger sett under ett, når dei til dømes gjeld same bygg eller av andre grunner er naturleg å sjå i samanheng.

Prosjekt	2025	2026	2027	2028	Totalt	Estimert behov for tilleggsløyving
Utvikling ekspressbåtstopp Hardbakke	250'	250'		1.240'	1.740'	
Diverse utbetringar kommunehuset		1.100'	400'	900'	2.400'	
Solundheimen	3.800'		800'	700'	5.300'	2.300'
Klubben	800'				800'	1.800' + unytta løyvingar frå 2025
Ny skule m/ bibliotek						15.000'
Kjøp av areal Søre Mortevisa*	2.000'	2.600'			4.600'	
Felles fiskerihamn*	1.000'	15.800'			16.800'	
Kjøp Hardbakke 20**	4.000'				4.000'	

*vedteke av kommunestyret, men ikkje innarbeida i budsjettet og økonomiplan vedteke i desember 2024

**kjem eige sak til formannskapsmøtet 22. mai 2025

Utvikling ekspressbåtstopp Hardbakke

Det er framleis stor uvissheit om kostnadsbilete, og fordeling av kostnadane mellom Kystverket, kommunen og fylkeskommunen. Mesteparten av løyvinga ligg mot slutten av perioden og det vil ha liten effekt å gjere justeringar på løyvinga no.

Diverse utbetringar kommunehuset / Næringsbygget/nytt kommunehus

Løyvingane til diverse utbetringar på kommunehuset må sjåast i samanheng med Næringsbygget. Slik situasjonen er no er det for kommunedirektøren ganske tydeleg at kostnadane med oppgradering på Næringsbygget og eventuelt nytt kommunehus må takast av Næringsbygget AS. Dette fordrar lånefinansiering for Næringsbygget AS, og skal dei få et så stort lån må dei ha ein langsiktig leigeavtale med kommunen. Det kan også være kommunen må stille garanti, gitt at dei strenge vilkåra i kommuneloven for dette er innfridd.

Vert Næringsbygget oppgradert og kommunehuset flytta dit, er løyvingane i økonomiplanen til dagens kommunehus ikkje lenger aktuelle. Men då må leigeutgifter finansierast for all framtid. Dei aktuelle løyvingane kan være med å finansiere leigeutgiftene i økonomiplanperioden, men på sikt må ein varig driftsløyving til. Flyttar ein kommunehuset er det også mogleg å få inntekter frå dagens kommunehus. Enten varige leigeinntekter, eller eingongsinntekter gjennom sal. Om ein ikkje flytter kommunehuset er løyvingane i økonomiplanperioden sårt tiltrengt, og ein kan også rekne med behov for meir vedlikehald framover.

Solundheimen

Det er gjort ein del innvendig arbeid med maling, listing, bytting av golvbelegg m.m. Tidlegare års unytta løyvinger skal være nok til å dekke dette. Ein har også gjennomført anbod for etterisolering på Solundheimen. Det var berre ein tilbydar, Åsen & Øverlid som for tida bygg ny skule m/ bibliotek. Gjennomførast etterisoleringa i år sparer kommunen ein del rigggkostnader då Åsen & Øverlid kan helde fram med den eksisterande riggen på 10-kroningen.

I 2025 har ein berre budsjettet med tilskotet frå Husbanken. Så om prosjektet skal gjennomførast i år må løyvingane for 2027 og 2028 flyttast til 2025, i tillegg til at prosjektet må tilførast friske midlar. Det kjem eige sak om prosjektet til kommunestyremøtet 12. juni 2025.

Klubben

I K-sak 008/25 bad kommunestyret kommunedirektøren utgreie ny vegtrase over tomt 1 med naudsynt rassikring og avkøyning. Førebels kalkyle tilseier at prosjektet då vil koste vel 5.000.000. I tillegg til å måtte nytte alt som allereie ligg inne til Klubben i budsjett- og økonomiplanen må ein ta heile den overførte løyvinga til oppgardering av kommunale vegar og utvikling av tomtfelt, samt tilføre 1.800.000,- i friske midlar. Også her kjem det eige sak til kommunestyremøte 12. juni 2025.

Ny skule m/ bibliotek

Som tidlegare omtala har løyvinga for 2025 falt ut av budsjett- og økonomiplan. Denne løyvinga må innarbeidast igjen og må takast i 2025. Solund kommune har fått innvilga i tilskot 600.000,- til biblioteket, og ventar på svar på ytterlegare 1.500.000,-. Det er budsjettet med om lag 1.000.000,- i tilskot, så her ligg ein mogleg oppside som nok ikkje vil være endeleg avklart i 2025. Truleg vil ein måtte avslutte prosjektet med ein føresetnad om framtidig inntekt som sannsynlegvis ikkje vert utbetalt før slutten av økonomiplanperioden.

Kjøp av areal Søre Morteveika

Det er inngått avtale på bakgrunn av K-sak 004/25. 2.000.000,- er allereie nytta i 2025 og dei resterande 2.600.000,- går i 2026.

Felles fiskerihamn

I K-sak 016/25 vart det vedteke å søke om tilskot til fiskerikar på Nåra og i Søre Morteveika. Tilskotet er på 8.400.000,- og eigenandelen er like stor. Sannsynlegvis med hovudvekt av kostnadane i 2026. Det kjem eige sak om prosjektet til kommunestyremøte 12. juni 2025.

Kjøp Hardbakke 20

I formannskapsmøte 22. mai 2025 vert det også handsama ein sak om kjøp av Hardbakke 20. Eigedommen har ein kjøpesum på 4.000.000,- og er til sals no.

I budsjett- og økonomiplanen og dei unytta løyvingane ligg også ein del "oppstartsløyvinger". Dette er ulike forprosjekt og utgreiingar som vil utløyse ein større løyving om prosjektet faktisk skal realiserast etter forprosjektet. Også her er det rom for rydding. Alle prosjekta kan ikkje realiserast samstundes, og kommunedirektøren vurderer at det har lite for seg å nytte pengar på forprosjekt til prosjekt som ikkje kejm til å bli realisert.

Prosjekt	Totalløyving
Gangveg Hardbakke/Sildevika - Steinsund	525'
Planlegging helikopterlandingsplass	100'
Områdeplan Hardbakke	650'
Reguleringsplan bustadområde	350'
Forprosjekt Kråkesundet	300'
Hovudplan vassforsyning	188'
Næringsbygg/nytt kommunehus	141'

Vurdering:

Det er i samband med kommunestyre sin rullering av budsjett- og økonomiplanen 12. juni 2025 at det vert gjort bindande endringar i budsjett- og økonomiplanen. Men på bakgrunn av bestillinga frå kommunestyret ynskjer kommunedirektøren ein brei drøfting også i formannskapsmøtet 22. mai 2025.

Av dei store prosjekta er det lite aktuelt å gjere endringar knytt til ny skule m/ bibliotek og kjøp av areal Søre Morteveika då dei prosjekta er pågåande og langtkomne. Som omtala vil effekten av å gjere endringar på utviklings ekspressbåtstopp Hardbakke også være liten for 2025 og 2026. Effekten her vil en fyst se mot slutten av økonomiplanperioden, og då ser ting lysar ut uansett. Vidare vil utbetringane på kommunehuset henge tett på planane kring Næringsbygg/nytt kommunehus.

Av større prosjekt er det då Solundheimen, Klubben, Felles fiskerihamn og Hardbakke 20 som er aktuelt å sjå nærare på. I tillegg til fordeling mellom lån og fondsbruk.

Vala ein tek vil påverke kommunen sin økonomi, og den enklaste måten å få eit overblikk på konsekvensane er å sjå til måltala. Gjeldande måltal er som følgjer:

	2025	2026	2027	2028	Langsiktg mål
Netto lånegjeld	171 %	157 %	156 %	141 %	70 %
Disposisjonsfond	10 %	20 %	12 %	33 %	15 %
Netto driftsresultat	-13,7 %	14,3 %	-4,6 %	17,0 %	1,75 % (snitt)
Havbruksinntekter, utover produksjonsavgift og distriktstilskot, i drift	-7 514 000	-3 320 000	-1 774 000	-412 000	0

Kommunedirektøren legg i utgangspunktet til grunn fylgjande for det vidare arbeidet:

- lånefinansiering av dei 15.000.000,- til ny skule m/ bibiloteke og dei 8.400.000,- til felles fiskerihamn
- Solundheimen får tilført 2.300.000,- og gjennomførast i 2025
- Klubben får tilført 1.800.000,- og gjennomførast i 2026
- Søre Morteveika går som vedteke i 2025
- Hardbakke 20 går i 2025
- ein gjer ingen endringar knytt til ekspressbåtstopp eller nytt kommunehus
- ein betalar vesentleg mindre ned på låna i starten av økonomiplanperioden

Gitt inntekter som i dag får ein fylgjande måltal, disposisjonsfond og lånegrad:

	2025	2026	2027	2028	Langsiktig mål
Netto lånegjeld	181,9 %	182,4 %	182,0 %	163,1 %	70 %
Disposisjonsfond	6,1 %	14,6 %	5,7 %	18,4 %	15,0 %
Netto driftsresultat	-5,4 %	16,6 %	-6,3 %	11,3 %	1,75 % (snitt)
Havbruksinntekter, utover produksjonsavgift og distriktstilskot, i drift	-7 255 000	-4 947 000	-3 299 000	-2 959 000	0

	2024	2025	2026	2027	2028
Generelt disposisjonsfond	46.152'	5.932'	14.205'	5.522'	17.712'
Utviklingsfond	5.593'	4.993'	4.393'	3.793'	3.193'

	2025	2026	2027	2028
Tatt opp	17.500'	8.900'	2.875'	500'
Nedbetalt	7.444'	10.472'	5.472'	20.472'
Samla gjeld	186.111'	184.539'	181.942'	161.970'

Som ein ser slår det negativt ut for stort sett alle måleindikatorar, men det er framleis rom for å skalere ned, skyve på eller avlyse prosjekta som ligg i 2026 etter kvart som ein får betre oversikt over forventa inntekter. Det ligg også til saman 20.000.000,- i ekstraordinær nedbetaling av lån som kan salderast mot viss inntektene frå Havbruksfondet svikter, hovudsakeleg i 2028. 2028 vert også fyste året der ein tek store steg i riktig renting med tanke på måltala, men føresetnaden der er berre 500.000- i låneopptak og 20.472.000 i betalte avdrag. Formannskapet står fritt til å endre forutsetningane til kommunedirektøren og fullstendig, endeleg og balansert økonomiplan vert lagt frem til formannskapsmøtet 2. juni 2025.